

# Umimmaat illersugaanerat piniagaanerallu pillugit Namminersorlutik Oqartussat nalunaarutaat

Pinngortitamik illersuineq pillugu Inatsisartut inatsisaanni nr. 29-imi, 18. december 2003-meersumi § 5, imm. 1, nr. 1-5-mut aamma § 60, imm. 2, Piniarneq aallaaniarnerlu pillugit Inatsisartut Inatsisaanni nr. 12-mi, 29. oktober 1999-imeersumi, § 2, imm. 4, § 7, imm. 4, § 8, imm. 1 aamma 3, §§ 12-13 aamma § 17, imm. 2, Inatsisartut inatsisaatigut nr. 1-ikkut, 16. maj 2008-meersukut kingullermi allangortinneqartumi naapertorlugit kiisalu Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni nr. 18-imi, 30. oktober 1998-imeersumi § 3, imm. 2, Inatsisartut inatsisaatigut nr. 23-kkut, 22. november 2011-imeersukut allangortinneqartumi, naapertorlugit aalajangersarneqarpoq:

## Kapitali 1

### *Atuuffi*

§ 1. Nalunaarut manna Kalaallit Nunaanni umimmaat (*Ovibos moschatus*) illersugaanerat piniagaanerallu pillugu atuuppoq.

## Kapitali 2

### *Eqqissisimatitsineq*

§ 2. Umimmaat nuna tamakkerlugu eqqissisimatitaapput, taamaattoq takukkit § 3 naapertorlugu piniarneqarsinnaaneri pillugit aalajangersakkat taaneqartut.

*Imm. 2.* Akiliuteqarluni aallaaniarneq aalisarnerlu pillugit nalunaarummi akiliisitsilluni umimmanniarnermut piumasaqaatit immikkut malittarisassaqaartitaapput.

## Kapitali 3

### *Pisassiissutit, piffissat piniarfusussat kiisalu piniarfusussat*

### *Pisassiissutinik aalajangersaaneq aamma agguaassineq*

§ 3. Uumassusilinnik misissuisunik siunnersuuteqareernerup kingorna Piniarnermut Naalackersuisoq umimmannik piniarsinnaanermut pisassiissutinik aalajangersaassaaq.

*Imm. 2.* Piniarnermut Naalackersuisoq nunap ilaanut pisassiissutinik aalajangersakkanik agguaassissaaq.

*Imm. 3.* Piniarneq pillugu Siunnersuisoqatigiit aamma Kattuffiit allat suliamut attuumassuteqartut apeqqutini imm. 1-mut 2-mullu tunngassuteqartuni tusarniarneqassapput.

*Imm. 4.* Sumiiffinni umimmannik pisassiissutinik agguaassinermi aqutsiveqarfinni pineqartuni Kattuffiit attuumassutillit tusarniarneri kommunimi oqartussat ingerlattarpaat.

*Imm. 5.* Kommunimi oqartussat Piniarnermut Naalackersuisoqarfimmut pisassiissutinik agguaassinermi angusat inerneru pillugit imm. 4 naapertorlugu allakkatigut nalunaaruteqassapput.

#### *Piffissanik piniarfusussanik aalajangersaaneq*

**§ 4.** Uumassusilinnik misissuisunik siunnersuuteqareernerup kingorna Piniarnermut Naalackersuisoq pisassiissutinik piniarnissamut aamma akiliuteqartitsilluni umimmanniarnissamut piffissamik aalajangersaassaaq.

*Imm. 2.* Imm. 1-imi piffissat piniarfusussat taamaallaat piffissap 1. augustimip aamma 15. aprilip iluani aalajangersaaffigineqarsinnaapput.

*Imm. 3.* Piniarneq pillugu Siunnersuisoqatigiit aamma Kattuffiit allat suliamut attuumassuteqartut apeqqutini imm. 1-mi aamma 2-mi tunngassuteqartuni tusarniarneqassapput.

*Imm. 4.* Sumiiffinni ataasiakkaani umimmanut piffissanik piniarfusussat aqutsiveqarfimmi pineqartumi Kattuffiit attuumassutillit tusarniarneri kommunimi oqartussat ingerlattarpaat.

*Imm. 5.* Kommunimi oqartussat Piniarnermut Naalackersuisoqarfimmut piffissat piniarfusussat inerneru pillugit imm. 4 naapertorlugu allakkatigut nalunaaruteqassapput.

#### *Piniarfusussanik aalajangersaaneq*

**§ 5.** Uumassusilinnik misissuisunik siunnersuuteqareernerup kingorna Piniarnermut Naalackersuisoq sumiiffinnik piniarfusussanik killilersukkamik umimmanniarfusussanik aalajangersassaaq.

*Imm. 2.* Piniarneq pillugu Siunnersuisoqatigiit aamma Kattuffiit allat suliamut tunngassuteqartunut attuumassuteqartut apeqqutit imm. 1-mi pineqartuni tusarniarneqassapput.

*Imm. 3.* Sumiiffinni ataasiakkaani umimmanut sumiiffinnik piniarfusussat aqutsiveqarfimmi pineqartumi Kattuffiit attuumassutillit tusarniarneri kommunimi oqartussat ingerlattarpaat.

*Imm. 4.* Kommunimi oqartussat Piniarnermut Naalackersuisoqarfimmut sumiiffiit piniarfusussat aalajangersaaneri pillugit imm. 3 naapertorlugu allakkatigut nalunaaruteqassapput.

### **Kapitali 4**

#### *Pisassiissutinik piniarnermi piumasaqaatit*

**§ 6.** § 8 malillugu inuit akuersissutinik pisimasut aamma piniarsinnaanermut allagartamik atuuttumik pigisaqartut kisimik umimmanniaqqusaapput.

*Imm. 2.* Akuersissut inummut atiatigut taasamut taamaallaat atuuppoq allanullu tunniunneqaranilu tunineqarsinnaanani.

*Imm. 3.* Akuersissummi takuneqarsinnaavoq, sumi aamma qassinik umimmattoqarsinnaanersoq.

*Imm. 4.* Piniarnermut allagartaq 1. maj nallertinnagu akilerneqarsimassaaq, § 25-li takuuk.

**§ 7.** Inuussutissarsiutigalugu umimmanniarsinnaanermut akuersissummi piumasarineqarsin-naavoq umimmammik ilivitsumik ilaanilluunniit tunisinissaq uumasut nakorsaqaarfianiit akuerineqarsimasunat

neqaarniarfinnut tunitsivinnulluunniit pissasoq imaluunniit inuussu-tissarsiutigalugu piniartooq tunisinissamut akuersissummik atuuttumik peqassasoq.

*Imm. 2.* Kommunit ataasiakkaat sunngiffimmi aallaaniartartunut "kalaalimineerniarfimmi" tunisineq tuniniaanerlu pillugit aalajangersaassapput.

*Imm. 3.* "Kalaalimineerniarfinni" umimmannik tunisineq inuussutissalerinermut tunngasuni nalunaarummi atuuttumi piumasaqaatit malillugit ingerlanneqassaaq tuniniaanerlu taamaal-laar piffissani piniarfiusuni aamma piffissap piniarfiusup qaangiunneranit amerlanerpaamik ulluni pingasuni atuuppoq.

## Kapitali 5

### *Piniakkanik killilersukkanik piniarnissamut akuersissutinik agguassineq tunniussinerlu*

**§ 8.** Kommunit pineqartut qinnuteqartunut piniarnermut atuuttumik allagartaqartunut aamma sumiiffimmi aqutsiviusumi inuit nalunaarsorsimaffianni najugaqartutut nalunaarsorsimasunut akuersissutinik tunniussissapput.

*Imm. 2.* Imm. 1-imi aalajangersagaqaraluartooq, aqutsiviusuni allani najugaqartut sumiiffimmi aqutsiviusumi piniarnissaat Piniarnermut Naalackersuisoqarfiup akuersinnaavaa tamannalu ingerlatsiviusumi pineqartumi ammasumik pisassiisoqartillugu aatsaat pisinnaavoq.

*Imm. 3.* Akuersissutinik qinnuteqartut qinnuteqarnermini 16-inik ukioqalereersimassapput.

**§ 9.** Akuersissutinik tunniussineq ima pisassaaq, qinnuteqartut ataasiakkaat akuersissutinik sapinngisamik amerlaqatigiinnik pissarsinissaat sumiiffiup aqutsiviusup iluani anguneqartassalluni.

*Imm. 2.* Akuersissutinik amerlanerusunik qinnuteqartoqarpat, agguassineq makitsinikkut ingerlanneqassaaq. Akuersissutinik sinneruttunik agguaneq aamma makitsinnikkut ingerlanneqassaaq.

*Imm. 3.* Sumiiffinni aqutsiviusuni isorartuuni, piniartumut ataatsimut akuersissutit arlallit tunniunneqarsinnaapput umimmanniarneq imminut akilersinnaatinniarlugu.

*Imm. 4.* Makitsinermut atatillugu akuersissutinik agguassisussaatitaasup utaqqisut allattorsimaffiat tulleriiaarinertalik pilersissavaa, taannalu akuersissutinik agguasseqqinnermi atutilissaaq, takuuk § 10, imm. 2.

*Imm. 5.* Innuttaasut kikkulluunniit makitsinerup ingerlanneqarneranut malinnaasinnaatitaassapput. Akuersissutinik agguassisussaatitaasup makitsinissaaq, akuersissutinullu tunniunneqartussanut piffissaliussap aamma sumi pinissaa, kingusinnerpaamik sapaatip akunneramik sioqqutsilluni tamanut nalunaarutigissavaa.

**§ 10.** Akuersissutinik agguassisussaatitaasup akuersissutit tunniunneqartut aaneqarnissaannut piffissaliussaq aalajangissavaa. Inuit akuersissummik tunineqarsimasut akuersissummilli atuisinnaangitsut imaluunniit atuerusunngitsut piaarnerpaamik akuersissut atorineqanngitsoq akuersissutinik agguassisussaatitaasumut utertissavaat.

*Imm. 2.* Akuersissutit atorineqanngitsoortut utertinneqartullu agguateqqinneqassapput.

Umimmanniarnerup uninnissaa sapaatip akunnerinik sisamanik sioqqullugu, akuersissutinik pinissamik utaqqisut tulleriaakkat allattorsimanagerat malillugu agguasseqqinneq piaarnerpaamik aatsaat pisinnaavoq.

## Kapitali 6

### *Piniariaatsit aamma piniarnermi ileqqorissaarneq*

§ 11. Umimmanniarnermi qoorortuut pisissillu atorneqaqqusaapput.

*Imm. 2.* Qoorortuut pisassiissutininik piniarnissamut atorneqarsinnaatitaasut sullukinnersaat 6,5 x 55 kaliberiuvoq (aqerlup diameteria 6,5 mm). Imassat nammineq qinerneqassapput.

*Imm. 3.* Qoorortuut eqittaannartakkat nutsuinnartakkallu umimmanniarnermi atorneqarnissaat inerteqqutaavoq.

*Imm. 4.* Aallaat sunaluunniit imm. 2 naapertorlugu piniarnermut atorneqaqqusaasoq nakersarneqarsimassaaq pitsaasuussallunilu.

*Imm. 5.* Pisisseq atorlugu umimmanniarneq inunnit Kalaallit Nunaanni, Danmarkimi imaluunniit nunani allani pisissimik piniarnermut misilitsinnermi takussutissartalimmik angusaqarsimasunit ingerlanneqarsinnaavoq.

*Imm. 6.* Pisisseq atorlugu umimmanniarnermi piumasaqaatit ukuupput:

1) Pisisseq Compound-iussaaq (katitigaq / nutaaliaasoq), pisisseq aaqqinneqarsinnaasumik umerfeqassaaq / nalunaaqutaqassaaq minnerpaamillu 60 pund-inik (28 kg.-inik) nusutsisin-naassuseqarluni.

2) Qarsui minnerpaamik 525 grains-inik (34 gr.-inik) oqimaassuseqassapput.

3) Qarsut naqqui mekaniskiusut atorneqaqqusaanngillat.

§ 12. Umimmaap pisarineqartup neqaa tamaat pisaqarfimmiit nassarneqassaaq. Pisap sinneri sapinngisamik pisaqarfup qimalernerani nassarneqassapput imaluunniit tupeqarfii, illuaqqat akiliuteqarluniluunniit aallaaniarnerup ingerlanneqarneranut akornusiinatik inissineqassallutik.

## Kapitali 7

### *Akiliuteqarluni aallaaniarnermi immikkut piumasaqaatit*

§ 13. Piniarnermut Naalakkersuisoq pisassiissutininik piniarnissap aamma akiliuteqarluni aallaaniarnissap akornanni pisassiissutininik agguaassinissamut aalajangersaassaaq.

*Imm. 2.* Akiliuteqarluni aallaaniarnissamut pisassiissutigineqartut, umimmanniarnissamut pisassiissutinit tamarmiusunit tiguneqassapput, takuuk § 3, imm. 1.

*Imm. 3.* Naak § 4, imm. 2-mi aalajangersagaqaraluartoq, Piniarnermut Naalakkersuisoq akiliuteqarluni aallaaniarnermut ukioq kaajallallugu tigganniarnissamut piffissamik piniarfusus-samik aalajangersaasinnaavoq.

*Imm. 4.* Arnavissamik piaqqamillu akiliuteqarluni aallaaniarneq piffissami 1. marts-miit - 31. julimut inerteqqutaavoq.

*Imm. 5.* Akiliuteqarluni aallaaniarnermi qoorortuut sullukinnersaat 7,62 x 63 kaliberiuvoq (aqerlup diameteria 7,62 mm) soorlu 30-06 aamma 308. Imassat nammineq qinerneqassapput.

*Imm. 6.* Pisisseq atorlugu akiliuteqarluni umimmanniarneq inunnit Kalaallit Nunaanni, Danmarkimi imaluunniit nunani allani pisissimik piniarnermut misilitsinnermi takussutissartalimmik angusaqarsimasunit ingerlanneqarsinnaavoq.

*Imm. 7.* Pisisseq atorlugu umimmanniarnermi piumasaqaatit ukuupput:

1) Pisseq Compound-iussaaq (katitigaq / nutaaliaasoq), pisseq aaqinneqarsinnaasumik umerfeqassaaq / nalunaaqutaqassaaq minnerpaamillu 60 pund-inik (28 kg.-inik) nusutsisinnaassuseqarluni.

2) Qarsui minnerpaamik 525 grains-inik (34 gr.-inik) oqimaassuseqassapput.

3) Qarsut naqqui mekanisk-iusut atorneqaqqusaanngillat.

*Imm. 8.* § 20-imi aalajangersagaqaraluartoq akiliuteqarluni aallaaniarnermi umimmattat *PINIARNEQ*-mut nalunaarutigineqassapput. Akiliuteqarluni piniartitsineramik aaqqissuisut Piniarnermut Naalackersuisoqarfimmut nalunaarusiortassapput. Tamatuma kingornatigut paasisutissat katersorlugit *PINIARNEQ*-mut nassiuuneqassapput.

## Kapitali 8

### *Umimmanniarnermut atatillugu assartuutitik atuineq*

**§ 14.** Umimmannik malersuinermi unqusinermilu assartuutit atorneqaqqusaanngillat, § 15-ili takuuk.

*Imm. 2.* Assartuutit taamaallaat piniarfimmut piniarfimmiillu assartuinermit atorneqaqqusaanngillat nunamilu assartuutitik ingerlaarnermut atatillugu umimmannut uumasunut minnerpaamik 500 meterinik ungasissusissaaq malinneqassaaq.

*Imm. 3.* Umimmanniarnermi qimmit nassatareqqusaanngillat, imm. 4-5-imili pineqartut pineqanngillat.

*Imm. 4.* Allorniusami kangimukartup 44° W-mi avannamukartullu 66° N-mi qimmeqarfinni qimussit assartuutit atorneqaqqusaanngillat.

*Imm. 5.* Sumiiffimmi piniarfiusumi qimmit qimuttut qimaannaqqusaanngillat. Qimmit qima-taasut tiguneqarsinnaanngitsullu sapinngisamik ajornanngippat aallaaneqassapput. Qimmip toqungasup timaa sumiiffimmi piniarfiusumi qimaannarneqaqqussanngilaq. Kingusinnerpaamik piniarnerup naammassinerata kingornatigut qimmit qimmeersuutaasut politiinut nalunaarutigineqassapput.

## Kapitali 9

### *Umimmannik unqusineq*

**§ 15.** Piniarnermut Naalackersuisoqarfik § 14, imm. 1-imik immikkut makkuninnga tunn-gaveqartunik akuersissuteqarsinnaavoq:

1) Allakkatigut qinnuteqaammik tigusaqarsimaneq.

2) Qinnuteqaat peqataasussat allattorsimaffianik, kiisalu piffissaaq aamma unqusinissap sumiiffissaa pillugu paasisutissanik imaqaasasoq.

3) Ungusineq qamuteralaat, ATV imaluunniit qulimiguulik atorlugit ingerlanneqassasoq.

*Imm. 2.* Immikkut akuersissummi piumasaqaatinik nalunaarummik Piniarnermut Naalackersuisoqarfup peqataasullu akornanni allatamisk isumaqatigiissusiortoqassaaq.

*Imm. 3.* Umimmannik unqusinnaanermut immikkut akuersissut taamaallaat inunntu inuussutissarsiutigalugu piniarsinnaanermut allagartalinntu tunniunneqarsinnaassaaq.

## Kapitali 10

### *Umimmannik pissatamik toqutsineq*

**§ 16.** Piniarteq pisussaavoq umimmaap eqqorneqarnermi kinguninnguagut toqusimanera qularnaassallugu.

*Imm. 2.* Piniarnermi umimmammik pissaasoq, pisussaavoq umimmak pissatani sapinngisamik piaarnerpaamik toqussallugu.

*Imm. 3.* Umimmak pissataq nanineqanngippat toqunneqaranilu, piniartup piniarnerup naammassineqarneranut atatillugu pissutsit piviusut pillugit Piniarnermut Naalackersuisoqarfik imaluunniit piniarnermut aallaaniarnermullu nakkutilliisoq ilisimatissavaa.

*Imm. 4.* Umimmammik pissatamik sulilu uumasumik takunnittup sapinngisamik ajornanngippat umimmak toqussavaa. Pinarinnineq piffissap piniarfusup avataani pippat, umimmak summiffianut qimanneqassaaq. Pinarinnittup pisussaaffittut akisussaaffigaa, pisup qanoq ingerlasimanera Piniarnermut Naalackersuisoqarfimmut imaluunniit piniarnermut aallaaniarnermullu nakkutilliisumut nalunaarutigissavaa.

*Imm. 5.* Umimmak toqungasoq takusaq takunniffimmut qimaannarneqassaaq.

## **Kapitali 11**

### *Uumatillugit tiguserit nuussinerillu*

**§ 17.** Piniarnermut Naalackersuisoq akuersiteqqaarsimatinnagu umimmannik tiguseq imaluunniit nuussineq kiisalu soriarsinnaajunaarlugit ungalusat iluiniititsinissaq inerteqqaapput.

## **Kapitali 12**

### *Kommunimi ileqqoreqqusaq*

**§ 18.** Kommunimi ileqqoreqqusakkut kommunalbestyrelsi nalunaarut manna naapertorlugu, nalunaarummi maani aalajangersakkanik § 3, imm. 2-3-mit, § 4, imm. 2-3-mit aamma § 14, imm. 1-2-mit, sakkortunerusunik piumasaqaateqarsinnaavoq.

*Imm. 2.* Kommunimi ileqqoreqqusaq, Piniarnermut Naalackersuisumit atulersinneqassaaq.

## **Kapitali 13**

### *Najukkami aqutsineq*

**§ 19.** Piniarnek pillugu Siunnersuisoqatigiinnik aamma kattuffinnik allanik attuumassuteqartunik tusarniaareernikkut Piniarnermut Naalackersuisup, nunap immikkoortuinik killilikkanik ilivitsunik taakkuluunniit ilaanik aqutsinissamut agguaassisinnaavoq.

*Imm. 2.* Taakkununga piumasaqaatit allaganngorlugit Piniarnermut Naalackersuisup imaluunniit Naalackersuisumit tamatumunnga toqqarneqarsimasumit aamma akuersissutinik agguaassisussaataasunit atuuttunit isumaqatigissutigineqassapput.

## **Kapitali 14**

### *Pinngortitami uumassuilinnik misissuinermit nalunaaruteqartarneq*

§ 20. Pisanik nalunaaruteqarneq imaluunniit pisanut nalunaarsuutitik kommunimut tunniussineq piniarnerup naammassineqarnerata kingornatigut kingusinnerpaamik sapaatip akunnerisa marluk qaangiunneranni pissaaq. Tamatuma kingornatigut paasissutissat ataatsimoortillugit piniarnerup naammassinerata kingornatigut kingusinnerpaamik sapaatip akunnerisa sisamat qaangiunneranni kommunimit Pinngortitaleriffimmut nassiunneqassapput.

*Imm. 2.* Pisanik nalunaaruteqarnermi immersuiffissiaq akuersissutip tunuaniittoq kingusinnerpaamik, pisap angallammut piniarnermut atatillugu assartuutaasumut ikineqarnerani immersorneqassaaq.

## **Kapitali 15**

### *Nujuartanik pisanik nalunaarutiginninneq*

§ 21. Umimmannik pisat aamma pissatat tamarmik, naak § 20-imi aalajangersagaqaraluar-toq, *PINIARNEQ-mi* ukiumoortumik immersuiffissiami nalunaarutigineqassapput.

## **Kapitali 16**

### *Nakkutilliineq*

§ 22. Kinaluunniit politiinit imaluunniit piniarnermik aallaaniarnermillu nakkutilliisunit umimmanniarsinnaatitaanini uppersaqqullugu piumaffigineqaruni, akuersissut atuuttoq aamma piniarnermut allagartaq atuuttoq takutissavai.

## **Kapitali 17**

### *Immikkut akuersissuteqartarneq*

§ 23. Siunertanut ilisimatusarnermik ilinniartitaanermillu siunertaqartunut nalunaarummi aalajangersakkat Piniarnermut Naalackersuisoqarfimmit immikkut akuersissuteqarfigineqar-sinnaapput, tassunga ilaalluni ilisimatusarnermut atatillugu umimmanniarsinnaanermut akuersineq.

§ 24. Umimmaat ulorianartorsiortitsisut imaluunniit angallannermut atatillugu annertuumik akornusersuisut qimaatinneqarsinnaanngippata toqunneqarsinnaapput.

*Imm. 2.* Umimmaat imm. 1 naapertorlugu toqunneqartut Namminersorlutik Oqartussanut pigisassanngortinneqassapput. Piniarnermut Naalackersuisoqarfimmut piniarnerup ingerlasimanera nalunaarutigissallugu umimmannik pisaqarnermi akisussaasup pisussaaffigaa. Naalackersuisoqarfup umimmaap toqutap qanoq pineqarnissaa aalajangiiffigissavaa.

§ 25. § 6 imm. 4-mi aalajangersagaqaraluartoq aqutsinermi periaatsit aallaavigalugit piniar-nermut allagartap 1. maj nallertinnagu akilerneqarsimanissaanik piumasaqaammit immikkut akuersissuteqartoqarsinnaavoq.

## **Kapitali 18**

### *Pineqaatissiisutit*

**§ 26.** Nalunaarummi matumani aalajangersakkanik unioqqutitsinermi akiliisitsineq pineqaatissiissutaasinnaavoq kiisalu sunngiffimmi aallaaniarsinnaanermut allagartaqarsinnaaneq imaluunniit inuussutissarsiutigalugu piniarnermut allagartaqarsinnaaneq arsaarinnissutaasinnaapput.

*Imm. 2.* Nalunaarummi malittarisassanik unioqqutitsinermi umimmannit pisarineqartunit isertitat Kalaallit Nunaanni pinerluttulerinermi inatsisini malittarisassatigut aalajangersakkat naapertorlugit arsaarinnissutigineqarsinnaapput.

*Imm. 3.* § 18 naapertorlugu, kommunimi ileqqoreqqusaliani kommunalbestyrelsi aalajangersaasinnaavoq, ileqqoreqqusaliani aalajangersakkanik unioqqutitsinerit Kalaallit Nunaanni pinerluttulerinermi inatsisini malittarisassatigut aalajangersakkat naapertorlugit akiliisitsinermik arsaarinnissummillu kinguneqassasut.

**Kapitali 19**  
*Atuutilerfa il.il.*

**§ 27.** Nalunaarut manna atuutilerpoq ulloq 27 juni 2013.

*Imm. 2.* Peqatigitillugu Namminersorlutik Oqartussat umimmaat illersugaanerat piniagaanerallu pillugit nalunaarutaat nr. 9, 11. juli 2012-imeersoq atorunnaarsinneqarpoq.

*Kalaallit Nunaanni Namminersorlutik Oqartussat, ulloq 27. juni 2013*

Karl Lyberth

/

Jens K. Lyberth

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

